



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

I. Sub initia tertiæ Regum nostrorum dynastiæ nova politiæ forma  
introducta est in detrimentum auctoritatis Metropolitanorum &  
Conciliorum, tum etiam dignitatis regiæ. Quippe omnes causæ pendebant  
at ...

**urn:nbn:de:hbz:466:1-15617**

dunenses. Gebuinus impudenter tulit legationem apostolica sedis Amato concessam esse in tertia Lugdunensi, non tamen palam contradicere ansus. Probatur ex epistola Gebuini ad Archiepiscopum Turonensem & ad Episcopum Andegavensem.

X. Eadem emulatio exercuit Hugonem Archiepiscopum Lugdunensem; qui ut oblique infringere auctoritatem Amati in tertia Lugdunensi, eodem tempore Turonensem Archiepiscopum ad se evocavit quo cum Amatus ad synodum invitaverat. Bene tandem deinceps inter eos convenit.

XI. Termimi Aquitanicae legationis non fuisse semper certi, sed contrarii aut dilataci pro libito Pontificum Romanorum. Gaufridus Episcopus Carnotensis habuit legationem Aquitanie post Gerardum Engolismensem. Emendatus auctor Chronicus Maurignacensis, & Martyrologium Carnotense.

Vide infra lib. 6.  
cap. 30. §. 1.

Ibid. §. 4.

Baroni. ad ann.  
1130. §. 15.

**H**ACTENUS satis æqua lege constitutæ ecclesiastica politia, tamenetsi Nicolaus nonnulla gravissimi momenti tentasset adversus mores antiquos. At ex fundamentis quæ jacta sunt desinente secunda Regum nostrorum stirpe consecuta est nova ejusdem politiae forma in detrimentum Metropolitanorum Conciliorumque provinciarum & generalium regni Francici. Quin & eodem tempore valde imminuta est regia auctoritas. Nam Legatorum missiones adeo frequentes deinceps fuerunt, & potestas illis ab apostolica sede concessa tam splendida erat ac magnifica, ut omnes causæ ecclesiastice ab eorum nutu penderent, & secundum illorum voluntatem judicarentur, aut ad apostolicam sedem remitterentur. Tum porro Legati non solum causas privatorum hominum soli judicabant, sed ad eos pertinebat convocatio Conciliorum generalium ex provinciis quæ intra terminos legationis eorum continabantur, & in his Conciliis primum semper locum obtinebant etiam supra Metropolitanos. In mandatis porro quæ Legatis dabuntur, illud in primis erat, ut generalia legationis sua Concilia celebrarent, ut discimus ex Eadmero in libro quinto historiæ Novorum. Vnde & in epistola Anacleti II. ad Episcopos Gallicanos scriptum est injunctum esse Ottoni Episcopo Tudertino, quem Legatum in Galliam mittebat idem Anacletus, uti Concilia celebraret, ac si qua emergenter negotia, una cum Episcopis Gallicanis iustitia mediante terminaret, quod etiam observavit idem Anacletus in epistolis de legatione Gerardi Episcopi Engolismensis, quæ extant apud Baronium. Hinc factum ut statim ac Legatus adveniat in provinciam, de Concilio celebrando cogitaret. Quare nemini mirum videri debet si duo plurave Concilia intra unum annum in eadem provincia à Legatis celebrata esse legitur.

II. Magna autem erat eorum dignatio, quod in provinciis positi usurparerent auctoritatem suspendendi & deponendi Metropolitanos & alios Episcopos. Præterea sedis apostolicæ judicio reservare poterant ea quibus Episcopi consentire nollent in Conciliis, ea Legatis auctoritate concessa, ut unicum eorum suffragium æquipararetur collectis totius synodi suffragiis. Quin & primam causarum cognitionem ad se trahebant in Conciliis definiendarum, & interdum etiam absque Concilio. Denique canones & constitutiones condebat pro observatione disciplinæ ecclesiastice. Quæ omnia cum copiose explicata sint ab illustrissimo Archiepiscopo in capite trigesimo libri sequentis, neceps non est ea isthinc repetere. Igitur ad reliqua transeamus.

III. Legati hujuscemodi mittebantur ad diversa regna; eorum vero auctoritas interdum porrigebatur in universum regnum, interdum vero in quasdam tantum provincias. De his ad quorum curam pertinebat totum corpus regni non attinet dicere. Sed cum legatio Aquitanæ, quæ plurimum splendoris & auctoritatis habuit à tempore Gregorij VII. usque ad Innocentium secundum, fatus haecenbus obscura & involuta fuerit, non inutile erit heic ejus initia & progressum terminosque describere, cum Legati istiusmodi tum maxima queque negotia in Galliis emergentia suo judicio definirent. Obscura, inquam, haecenbus fuit ista materia. Neque enim satisfacit Bernardus Abbas Bonaventuræ, quum in libro secundo de vita sancti Bernardi cap. v. de Gerardo Episcopo Engolismensi loquens, qui Aquitanæ Legatus fuit, ait: Erubescet enim ad primam dominum redire, cuius potentatui & Turonica & Burdegalensis & Auxiensis provinciae subditæ fuerant, & quicquid à collibus Iberorum usque ad Ligerim completiatur & claudit Oceanus, parnerat ejus imperio. Etenim Britannia, quæ trans Ligerim incolitur, ad Aquitanicam legationem pertinebat, utalij ja m observaverunt, & constat ex epistolis Paschalis II. & Callisti II. Summorum Pontificum. Præterea Arnulphus Sagiensis Archidiaconus, qui dein Episcopus fuit Lexoviensis, adversus eundem Gerardum scribens, ait eum quinque archiepiscopatibus singulare potestate præfuisse, & in ipsis vices Romani Pontificis exercuisse, cùm tamen in loco mox prolatu ex vita sancti Bernardi tres tantum archiepiscopatus recensentur intra limites legationis istius Gerardi. Indiget itaque hic locus explicazione. Affirmare ausim Aquitanicam legationem constitisse ex provinciis Bituricensi, Burdegalensi, Auscitana, Turonensi, &